

西安府志

第八冊

西安府志卷第十二

食貨志上

蠲賑歷代附

洪範一曰食二曰貨傳謂食所以厚民之生而貨所以利民之用也關中厥土黃壤厥田上上稔稭輸將而後下逮邠岐徹田分井九式聿頒所以勞民勸相者至矣慨自阡陌是開而租庸調並徵于後宋元既降饑饉師旅史不絕書于是周餘廼儻焉其不堪命是編首之以蠲賑以見我朝休養生息百數十年

恩普德洋非振古所可企也有人斯有土有土斯有財故次之以

戶口田賦至于積賦屯運經費課程以及鹽錢茶馬裕國實邊皆食貨所有事故又次之若夫神臯陸海材器萬端

則又秦民衣食之源而

國家財貨之所自出故以是終焉仿漢志例分上中下卷

蠲賑

本朝

謹按我

朝深仁厚澤洋溢彌綸

賜復蠲租史無虛歲但

恩旨所及統屬全秦而西安首郡被

澤尤先故凡概言陝西以及西安等府者俱爲敬謹編載至歷

代詔旨有稱關內及三輔者文義未能裁節亦視此例

通志順治二年四月初十日

詔西安等府州縣遭寇焚掠應聽按撫官察明順治二年錢糧應全免者全免應半徵者半徵欽此

通志順治五年撫臣具

題奉

旨陝西被災一等者蠲一年額數二等者免一年之半三等者免三分之一欽此

通志順治七年九月督撫臣會

題奉

旨豁免西安等府州屬無著荒地十二萬六千三百九十八頃六十四畝零逃亡丁五十九萬四千三十零欽此

通志順治八年十月督撫臣會

題奉

旨豁免西安等府州屬荒地一萬四千七百四十八頃七十一畝

零欽此

通志順治十五年四月撫臣具

題奉

旨豁免西安府屬續荒地一百八十六頃七十一畝零欽此

通志順治十六年撫臣具

題奉

旨豁免西安府屬之耀州續荒地七十五頃五十六畝零欽此

通志康熙三年

詔直省順治十五年以前拖欠各項銀米藥材紬絹布疋等項錢

糧槩行豁免欽此

通志康熙八年正月督撫臣會

題奉

旨豁免西安鳳翔漢中興安四府州屬均徭銀二千七百五十六兩零及西延漢興四府州流寓回籍死傷等丁一萬八千五百五十零又豁免棉花五百二十九斤及藍田竹枝鮮筍折價欽此

通志康熙十年

詔免直省康熙四五年舊欠地丁等項錢糧欽此

通志康熙十一年陝西撫臣具

題奉

旨豁免民屯更名地內各細色粗粒五千三百石零又免棉花九百四十五斤零折價欽此

通志康熙十四年靖逆侯張勇具

題奉

旨准免康熙十四年分起存項下未徵銀三千九百六十二兩零又起存米四百五十四石零欽此

通志康熙十五年撫遠大將軍圖海具

題奉

旨蠲免歷年拖欠并被陷失耕地土錢糧欽此

通志康熙十六年撫臣具

題奉

旨豁免西安等府殺傷人丁一千零欽此

通志康熙二十年

詔蠲直省康熙七年起至十七年舊欠地丁等項錢糧欽此

通志康熙二十二年十二月十七日奉

上諭陝西西安等處前當大兵征勦之時一應軍需取給閭里今既蕩平朕心時切軫念所有康熙二十三年應徵地丁各項錢糧着蠲免三分之一欽此

通志康熙二十六年十一月二十六日奉

上諭陝西錢糧前雖已行蠲免但該省人民用兵之際轉輸餽餉効力可念所有康熙二十七年應徵地丁各項錢糧及二十六年未完錢糧俱着蠲免欽此

通志康熙三十一年十月初四日奉

上諭陝西西安等處連歲凶荒繼以疾病自去歲冬月以來頒發帑金蠲免正賦輓輸積穀轉運漕糧屢遣大臣察勘賑濟今雖薄有秋收但民間匱乏已極非格外加恩無以使積困盡甦轉徙盡復陝西巡撫所屬府州縣衛所康熙三十二年地丁銀米着通行免徵從前所有積欠未完錢糧亦着通行蠲豁欽此

通志康熙三十四年十二月十七日

詔陝西省康熙三十三年以前歷年積欠及帶徵未完銀米俱着豁免欽此

通志康熙四十二年十一月十七日奉

上諭秦省爲天下要地曩者連歲荒旱所司未經奏報朕訪問得

即多方籌畫運米拯救但秦省關係最重撫綏尤宜加意故
不憚隆冬跋履風霜遠臨茲土凡巡幸所至必大沛恩膏今將
陝撫所屬地方康熙四十二年以前各項積欠銀米草豆錢糧
盡行蠲免欽此

通志康熙五十年十月初三日奉

諭朕前四十九年頒旨欲將五十年天下錢糧通行蠲免以諸
臣集議恐需用兵餉撥解之際兵民驛遞益致煩苦故自五十
年爲始三年之內全免一週其陝西省五十一年應徵地畝人
丁銀著察明全免並歷年舊欠俱着免徵欽此

通志康熙五十六年十一月二十六日奉

上諭朕撫馭寰宇五十餘年各省正賦屢經全免歷年積欠亦已

蠲徵民力雖已稍舒然念分年帶徵銀兩若不格外優寬則小民一歲所獲分納二年之賦以其贏餘養贍室家斷難充足宜更加殊恩通行豁免所有西安等處帶徵地丁屯衛銀兩概免徵收欽此

通志康熙五十九年十月十五日奉

旨陝西地方現有軍務今歲糧穀適又缺收朕預頒諭旨着總督施世綸將運米路徑勘視具奏除陝西歷年錢糧屢經蠲免明歲錢糧另頒諭旨蠲免外今雖動支常平倉糧散給而地方官大半俱在軍前辦事人員殊少應照曩年差官賑濟山東百姓蠲往賑濟着九卿詹事科道會議具奏欽此旋據九卿詹事科

道等議得陝甘地方不通水路此次賑濟應分三路差人

臣三目動戶部庫銀五十萬兩蘭州二十萬兩西安延安
各十五萬兩由驛運送散賑地方會同督撫等率領地方
官將現今陝屬常平倉存貯糧六十九萬二千石零甘屬
常平倉存貯糧六十七萬二千石零之內就近動用自散
賑日起以至麥收大口每日米三合小口每日米二合務
使百姓均霑實惠再無論旗民有情願効力自備銀米散
賑者事竣從優議叙再查施世綸具題奉

旨截留六十年漕米二十三萬三千三百八十八石但西安地方
緊要米石必得多貯除施世綸運送米十萬石外將截留六十
年漕米內再撥十萬石交河南巡撫運至西安存貯備用欽此
等因具題十月二十五日奉

旨所議甚好不必差遣堂官着派司官將銀兩交與施世綸總管
公同賑濟餘依議欽此

通志康熙五十九年十月十七日奉

上諭邇年西陲用兵師行糧從轉輸必需民力勞苦宜恤曾將康
熙五十八年陝甘所屬額徵地丁歷年舊欠康熙五十九年沿
邊州縣衛所額徵銀兩沛恩綸屢行蠲免近聞二年歉收民間
辦賦急公力何能支着將陝甘通省各州縣衛所除應徵米豆
草束外康熙六十年應徵地丁銀一百八十八萬三千七百四
十兩零通行蠲免欽此

通志雍正元年三月二十二日奉

上諭陝省自軍興以來大兵駐劄運送糧餉供支草豆無一不需

民力

皇考每爲軫念今當大沛恩膏所有康熙六十年以前陝省除借給籽種着該督撫查議分年帶徵外其餘凡有民屯衛所未完銀米豆草悉予蠲免欽此

通志雍正元年六月十三日奉

上諭朕聞陝甘各州縣衛所地丁銀兩每錢額外徵收三釐米每斗額外徵收三合以爲備荒之用此項徒有加賦之名而無賑濟之實着自雍正元年始將額外徵收銀米永行停止如有舊欠亦悉予蠲除欽此

通志雍正六年四月初五日奉

上諭據岳鍾琪奏前因陝甘兩省丁銀偏累據照各省例請將丁

銀于全省地糧內通計均攤已奉旨允行惟是各屬冊籍繁多未能一時核定而該年錢糧已准部咨撥充兵餉是以各州縣仍照舊額徵收等語着照所請但此項銀兩既係陝民輸納之物着留貯陝省于地方公事如積貯興修之類有裨益于民間者該督撫酌量奏聞動支不必撥充兵餉欽此

通志雍正七年二月初二日奉

上諭陝省兵丁年來効力甚多朕深爲軫念伊等出征之時若因已給行糧遂扣其坐糧則妻子在家難以養贍嗣後出征兵丁于照例支給行糧外仍給坐糧銀米以爲養贍家口之資欽此

通志雍正七年六月十二日奉

上諭數年以來用兵西藏西安各屬地方亦有預備軍需之事着

將庚戌年額徵錢糧蠲免十分之三共計銀四十七萬九千九百兩零欽此

通志雍正七年六月二十六日奉

上諭岳鍾琪奏稱陝屬設立社倉于雍正四五兩年司庫耗羨內發各州縣十四萬五千八百餘兩共採買穀麥三十九萬八千七百五十五石零州縣小者二三千石大者七八千石每年借放之本尚存銀八萬八千七百餘兩分發各處蓋造社倉約以京斗一千石爲一社每社倉一所不拘房屋間數總以足貯二千京石爲率請勅督撫于各州縣四鄉分社建倉令同社村堡老民公舉倉正倉副經管合計陝屬約買糧四十萬石應建社倉四百餘處等語從前岳鍾琪在京請于通省加二火耗內應

行裁減每兩五分之數暫行徵收採買穀石分貯社倉俟買足後卽行裁減是于暫收耗羨之中隱寓勸輸之法實則應行酌減之耗羨卽小民切已之資財而代民買貯之倉糧卽小民自捐之積貯此藏富于民之良法着督撫將此旨刊石頒布俾各州縣鄉社小民咸知朝廷經營設法之蓋藏實百姓自爲歛散之資用倘地方官于此次穀石創議交官不交百姓或指稱原係公項預爲公事侵那之地俱以擾撓國政貽悞民生論從重治罪其岳鍾琪奏撥社倉條約着戶部抄交諸督撫分發各州縣刊刻木榜豎立社倉以爲承久程式欽此

通志雍正七年八月十一日奉

上諭西曆六七月間苦旱今年已蠲銀四十萬兩庚戌年着再免